

ԿՐՕՆԱԳԻՏԱԿԱՆ

«ԱՎԱՆԴՈՒԹՅՈՒՆ» ԵԶՐԸ ԵՒ
Ն. ԳԵՈՐԳԻ ՖԼՈՐՈՎՍԿԻՆ (1893-1979)**ա. Կենսագրական ակնարկ¹.**

Ռուս մեծանուն հայրաբան, աստվածաբան և պարամբան Ն. Գեորգի Ֆլորովսկին ծնվել է 1893 թ. օգոստոսի 28-ին Օդեսայում: Դեռևս վաղ պարանեկան հասակից նրա համար աստվածաբանական և հոգևոր կրթությունն ընդհանրական մթնոլորտի էր վերածվել: Նայրը՝ Վասիլի Անտոնովիչ Ֆլորովսկին հոգևորական էր՝ Աստվածաբանական ակադեմիայի ռեկտոր և Ս. Պայծառակերպության Մայր Տաճարի հոգևոր հովիվ, իսկ մայրը հին հունարենի և եբրայեցիների պոեզիայի դասուհի էր: Այսպիսով ասպագա աստվածաբանի ուղին կարծես թե կանխագծվում է նրա ընդհանրական հանգամանքներից ելնելով. արդեն 17 տարեկանում նա, իր երկրորդական կրթությունը լիցելում ավարտելուց հետո, ընդունվում է Օդեսայի համալսարանի փիլիսոփայության ֆակուլտետը: Այսպես Ֆլորովսկին հիմնավորապես ծանոթանում է ռուս և արևմտաեվրոպական փիլիսոփաների տեսություններին, սովորում մի քանի ժամանակակից և հին լեզուներ (հին հունարեն, եբրայեցիներ, լատիներեն, ինչպես նաև ֆրանսերեն և գերմաներեն): Լեզուների նկատմամբ առանձնահատուկ սերը դրսևորվում է նաև օտարալեզու հեղինակներ ընթերցելու նրա բժախնդրության մեջ: Օրինակ, Վ. Սկոպին ռուսերեն թարգմանությամբ ընթերցելուց հետո նա որոշում է հիմնավորապես սովորել անգլերեն: Փիլիսոփայական ուսումնառության ողջ ընթացքում Ֆլորովսկին անհագորեն ուսանում է փիլիսոփայական մարքի պարմությունը՝ Պլատոնից ու Արիստոտելից մինչև Շոպենհաուեր և Միլլ: Փիլիսոփայությանը զուգահեռ Ֆլորովսկին ջանադրորեն սկսում է սերտել նաև պարմություն: 1916 թ. նրան շնորհվում է առաջին աստիճանի վկայական, որով Ֆլորովսկին իրավունք է ստանում դասավանդելու Ռուսական կայսրության վարժարաններում: Նարկանշական է, որ փիլիսոփայության և պարմության ուսումնառության ընթացքին զուգահեռ Ֆլորովսկին, իր իսկ խոսքերով, աստվածաբանությունը սերտում է Եկեղեցում՝ պաշտամունքի ընթացքին և հայրաբանական երկերի ընթերցումով: 1919-1920 թթ. Ֆլորովսկին պարբերաբար է ներկայացնելու իր թեկնածուական արևմտախոսությունը, երբ վրա հասած հեղափոխությունն ու քաղաքացիական պարերազմն ստիպում են Ֆլորովսկին ընդհանրապես 1920 թ. հունվարին ընդմիջել լեզու Ռուսական կայսրությունը՝ նախ հաստատվելով Բուդապեշտի մայրաքաղաք Մոֆիայում: Նախորդ տարի Ֆլորովսկին մեկնում է Պրագա՝ իրավունքի փիլիսոփայություն ուսանելու: Նեղ աշտարակ 1922 թ. Ֆլոր-

1 Գ. Ֆլորովսկու կյանքի մասին ավելի մանրամասն տե՛ս **A. Blane**, *A Sketch of the Life of Georges Florovsky*, in *Georges Florovsky: Russian Intellectual and Orthodox Churchman*, Crestwood, New-York, 1993:

րովսկին ամուսնանում է Քսենիա Սիմոնովայի հետ, իսկ 1923 թ. պաշտպանում իր արեւնախոսությունը հեղինակ թեմայով՝ «Ալեքսանդր Գերցենի պապմական փիլիսոփայությունը»²:

Փարիզի Սուրբ Սերգիոս օրթոդոքս ինստիտուտի հիմնումից քիչ անց՝ 1925 թ., նույն ինստիտուտի փնթեկներ՝ Ն. Սերգիոս Բուլգակովը, Ֆյոդովսկուն հրավիրում է Փարիզ՝ իբրև հայրաբանության դասախոս: Նայրաբանական ուսումնասիրությունների այս ընթացքին է, որ Ֆյոդովսկին գրում է իր նշանավոր հայրաբանական ուսումնասիրությունները՝ «Դ՝ դարի եկեղեցական հայրեր», «Ե-Ը՝ դարերի բյուզանդական եկեղեցական հայրեր» և «Ռուս Աստվածաբանության ուղիները»: 1932 թվականին սրացած քառանկյան ձեռնադրությունն ու օծումն ավելի են հարստացնում նրա աստվածաբանական ներաշխարհը³: 1935 թվականից սկսած Ֆյոդովսկին Սուրբ Սերգիոս ինստիտուտում ձեռնարկում է մի քանի լուրջ դասախոսություն՝ օրթոդոքս աստվածաբանության հիմնախնդիրների և դրանց լուծման ճանապարհների վերաբերյալ: «Ռուս աստվածաբանության հիմնախնդիրները» խորագրով այս դասախոսությունից հետո՝ 1936-ին, Ֆյոդովսկին Աթենքում կայացած օրթոդոքս աստվածաբանների առաջին կոնգրեսին ներկայացնում է երկու հավելյալ ուսումնասիրություն՝ «Ռուս աստվածաբանության մեջ ներմուծված արևմտյան փարբերը» և «Նայրաբանական ուսումնասիրություններն ու ժամանակակից աստվածաբանությունը»: Այս դասախոսությունների և ուսումնասիրությունների շարքով Ֆյոդովսկին իր աստվածաբան եղբայրներին կոչ էր ուղղում՝ ձերբազարկելու օրթոդոքս աստվածաբանության մեջ կաթոլիկ և բողոքական աստվածաբանական ամենափոքր համակարգերից ներթափանցած և ձեռավորված pseudomorphosis-ից, այսինքն՝ այն բոլոր ոչ ցանկալի փարբերից, որոնք խորթ են օրթոդոքս աստվածաբանությանն ու ոգեկանությանը: Ֆյոդովսկու առաջադրած այս նոր հայրաբանական սինթեզը 1936թ. մեծ ընդունելություն գտավ ուղղափառ և հակակալես հույն աստվածաբանների շրջանակներում: Վերադարձը դեպի հայրաբանական ժառանգություն բնավ չի նշանակում լքել արդի հիմնախնդիրների համար մղվող պայքարի դաշտը կամ խուսափել պապական ճշմարտությունից: Նայրաբանական փորձառությունը պարբ. է նորովի հայտնաբերվի և գործածվի ներկա դարի խնդիրների լուծման համար: Աթենքում կայացած կոնգրեսից քիչ անց Ֆյոդովսկին հրապարակում է իր ամենանշանակալի աշխատությունը՝ «Ռուս աստվածաբանության ուղիները» (1937): Ֆյոդովսկու այս երկը միանշանակ չընդունվեց ժամանակակիցների կողմից: Այն խստորեն քննադարվեց արքայազաթի ճամփան բռնած ռուս մտավորականության կողմից, որի ամենակարկառուն ներկայացուցչը՝ Նիկոլայ Բերդյաևը, իր հոդվածով⁴ ավելի սրեց Ֆյոդովսկու ձեռնադրությունից հետո այս երկու մեծ մտածողների միջև առաջացած հակամարտությունը:

Սակայն Ֆյոդովսկու կյանքում իրական առաջընթացը կապված էր 1937 թ. կայացած «Նավար և Կարգ» աստվածաբանական համաժողովի երկրորդ հանդիպումով, որտեղ Ֆյոդովսկին առաջ է քաշում Եկեղեցու «ճշմարիտ կաթողիկե գիտակցության» մասին փնտրությունը: Նույն այս փնտրականով էլ ծնվում ու հետագա ամբողջ կյանքում շարունակվում է

2 Տե՛ս **A. Blane**, նշվ. աշխ., էջ 33:

3 Տե՛ս **P. Chamberas**, «Georges Vasilievich Florovsky (1893-1979) : Russian Intellectual Historian and Orthodox Theologian», in *Religious Historians: East and West*, Intercollegiate Studies Institute, 2003, էջ 5:

4 Տե՛ս **Н. Бердяев**, Ортодоксия и человечность. Типы религиозной мысли в России, Собрание сочинений, т. III, Париж, 1989, էջ 714:

Ֆյորովսկու Էկումենիկ գործունեությունը: Նիմվեդի իր նոր հայրաբանական սինթեզի վրա և առաջնորդվելով Էկումենիկ շարժման բարձր արժեքներով՝ Ֆյորովսկին իր հրապարակած երկու հոդվածներում⁵ եկեղեցաբանական մի նոր տեսություն է մարտցում Էկումենիկ լսարանին: Էկումենիկ իր հայացքները Ֆյորովսկին ավելի է զարգացնում 1948 թ. Եկեղեցիների Նամաշխարհային Խորհրդի հերթական նիստում՝ «Էկումենիզմի նպատակներն ու կասկածները» խորագրված արենախոսությամբ:

Ֆյորովսկու համար բախտորոշ է դառնում նաև ԱՄՆ-ում ծավալած ուսուցչական գործունեությունը: Սուրբ Վլադիմիր, ինչպես նաև Միացյալ Աստվածաբանական Ճեմարաններում, Կոլումբիայի, Բոստոնի, Անդովեր-Նյուպոնի, Նարվարդի, Վաշինգտոնի, Փրինստոնի համալսարաններում դասավանդելու ընթացքին Ֆյորովսկին վերջնականապես զարգացնում ու ավարտում տեսքի է բերում Եկեղեցու և Ավանդության մասին նոր հայրաբանական-աստվածաբանական իր տեսությունը: 1954 թ. օգոստոսի 15-31-ը Իլլինոիսում (ԱՄՆ) ԵՆՄ-ում ներկայացրած «Ավանդություն և ավանդություններ» խորագրով գեկույցը դառնում է այս թեմայի մասին Ֆյորովսկու վերջին դիտարկումը: Ն. Գեորգի Ֆյորովսկին մահանում է 1979 թ., իսկ մարմինն ամփոփվում է Սուրբ Վլադիմիր օրթոդոքս ճեմարանի գերեզմանապարտը:

բ. «Ավանդություն» եզրը Ն. Գ. Ֆյորովսկու աստվածաբանական համակարգում

Ավանդության մասին Ֆյորովսկու ուսմունքն ամփոփված է նրա երկերի ամբողջական հրապարակության առաջին հատրում՝ «Աստվածաշունչ, Եկեղեցի և Ավանդություն. Արևելյան Օրթոդոքս տեսակետ» խորագրով, և «Կենդանի Բրիտանի մարմինը. Եկեղեցու օրթոդոքս մեկնաբանման փորձ» ֆրանսերենով հրապարակված հոդվածում⁶: Ֆյորովսկու աստվածաբանական համակարգի մեջ «Ավանդության» իմաստի դիտարկման համար հիմնականում օգտվել ենք վերոնշյալ աշխատություններից: Մեր ուսումնասիրության և թարգմանության ընթացքին Վադ Եկեղեցում Ավանդության ընկալումը և Ֆյորովսկու երկերում օգտագործված հայրաբանական մեջբերումները հարակեցնելու նպատակով իբրև գիտական ուղեցույց օգտագործել ենք W. Rordorf-A. Schneider-ի մեկնագրությունը⁷:

1. Ավանդության տեղը և դերը Եկեղեցու խորհուրդի մեջ.

Ֆյորովսկու եկեղեցաբանական համակարգում Ավանդությունը հանդես է գալիս իբրև Եկեղեցու խորհրդի էական և բաղկացուցիչ մաս⁸: Ֆյորովսկու իսկ բնորոշմամբ Ավանդությունը նույն եկեղեցական գիտակցությունն է, որին հաճախ դիմում են աստվածաբաններն ու հավաքացյալները⁹: «Ավանդություն» և «Եկեղեցի» բառերը գրեթե միշտ խաչաձևվում

5 Տե՛ս **G. Florovsky**, «Le Corps du Christ vivant : une interprétation orthodoxe de l'Eglise», in *La Sainte Eglise Universelle-Confrontation Œcuménique*, Neuchâtel/Paris 1948 և նույնի, «The Church ; Her Nature and Task» in *Bible, Church, Tradition : An Eastern Orthodox View*, Belmont, Mass., 1972 (այսուհետ՝ BCT):

6 Տե՛ս նախորդ ծանոթագրությունը :

7 «L'évolution du concept de tradition dans l'Eglise ancienne», Berne (coll. *Traditio Christiana* V) 1982, 208 էջ:

8 Տե՛ս **M. Marengo**, *I confini della Chiesa nel pensiero di Georges Florovsky*, Tesi di Dottorato («Եկեղեցու ըմբռնումն ըստ Գ. Ֆյորովսկու, դոկտ. արենախոսություն»), Firenze 2006, էջ 201-214:

9 Տե՛ս BCT, էջ 7:

են Ֆյոթովսկու երկերում: Եկեղեցու նշանակությունը սահմանելու համար նա մեջբերում է Օգոստինոսի խոսքերը. «Ես չեի հավաքա Ավերարանին, եթե ինձ իր հեղինակությամբ չստիպեր Կաթողիկե եկեղեցին»: Եկեղեցին Քրիստոսի մարմինն է այս երկրի վրա, նրա հարսը, հետևաբար միայն նրան է պարկանում Աստվածային Խոսքը հասկանալու և մեկնելու իրավունքը: Սակայն այդ մեկնությունը ո՛չ փիլիսոփայական մեթոդ է, ո՛չ էլ աստվածաբանական համակարգ: Եկեղեցին հավարի բովանդակությունն է, որը հավերժ մնալու է խորհուրդ¹⁰: Ահա թե ինչու մենք միշտ ստիպված ենք կարաֆաարիկ աստվածաբանությունը վերահսկել ապոֆարիկով¹¹: Ավելի ընդհանրական և ներառական կարգով՝ Ավանդությունը կարող է նույնանալ նաև Նայրնության հետ:

2. Նայրնությունը և ճշմարտության կանոնը.

Ավանդությունն առկա է Եկեղեցու ծոցում իբրև Նայրնության մեկնիչ: Երբ ավերարանիչները գրում էին Տիրոջ մասին իրենց հիշողությունները, նրանք քաջ գիտեին, որ դրանք մեկնվելու են հենց Նայրնության, այսինքն՝ Եկեղեցու Ավանդության մեջ: Եկեղեցական-դավանաբանական ճգնաժամերի ժամանակ Եկեղեցու հայրերը միշտ վկայակոչել են Ավանդությունը, և ոչ թե ավանդությունները¹²: Սուրբ Բարսեղն ինքը բազմիցս խոսում է բանավոր ավանդությունների մասին, որոնք ներկայացնում են Եկեղեցու հավարն ու խորհրդական (sacramental) կյանքը: Այն, ըստ Ֆյոթովսկու, ոչ թե առանձին եկեղեցական անհատների սուբյեկտիվ և կամայական ընկալումն է, այլ առաքելական քարոզչության վրա հիմնված Եկեղեցու հավարը¹³: Նայրնությանը վերաբերող բոլոր հարցերը պետք է մեկնվեն այս հավարի միջոցով: Այս միտքն ավելի հստակեցնելու նպատակով Ֆյոթովսկին ներմուծում է «ճշմարտության կանոն» հասկացությունը, որն իրականում Սուրբ Իրինեոսի աստվածաբանական տեսության առաձևահանություններից մեկն է: Վերջինիս համաձայն՝ «ճշմարտության կանոն» այլ բան չէ, քան առաքելական քարոզչությունն ու հավարը, որն իբրև ավանդ պրոված է Եկեղեցուն առաքյալների իսկ կողմից: Արդեն նշվեց, որ Ֆյոթովսկին փորձում էր Ավանդությունը ներկայացնել իբրև Նայրնության առանձնահատկություններից մեկը: Միայն չի լինի թերևս նշել, որ իր նոր հայրաբանական սինթեզով Ֆյոթովսկին փորձում է սրելով եկեղեցաբանական մեկնաբանական մի համակարգ, որը նաև Նայրնությունը Նայրնությամբ մեկնելու հնարավորություն է տալիս: Այս տեսությունը Ֆյոթովսկին հիմնավորում է Վադ եկեղեցու կյանքից բերված բազմաթիվ պատմական օրինակներով՝ վերլուծելով մասնավորապես «հավարոյ կանոնը» Սուրբ Աթանասի երկերում, բանավոր Ավանդության ընկալումն ըստ Սուրբ Բարսեղ Կեսարացու, «օրենք պաշտելոյ» և «Կաթողիկե եկեղեցու հեղինակություն» հասկացությունների օգոստինոսյան մեկնաբանությունը: Իր վերլուծությունների ընթացքին, սակայն, Ֆյոթովսկին շեշտում է ոչ այնքան Եկեղեցու հայրերի վարդապետական-դավանաբանական հմտությունները, որքան Ավանդության և Նայրնության հանդեպ նրանց ունեցած բարոյական-հոգևոր տեսական (vision): Եկեղեցական վարդապետությանը նկատմամբ այս բարոյական մոտեցումը Ֆյոթովսկին ամենայն հավա-

10 Տե՛ս BTC, էջ 4:

11 Տե՛ս G. Florovsky, «Le Corps du Christ vivant», էջ 48:

12 Տե՛ս BTC, էջ 6:

13 Անդ:

նականությամբ ժառանգել էր ժուս մեկ այլ նշանավոր աստվածաբանից՝ Անտոնի մեթոդ-պոլիս Խրոպովիցից¹⁴:

3. Ընդհանրականության ուժն ու Ավանդությունը.

Եկեղեցու ընդհանրականության գաղափարը սերտորեն կապված է Ավանդության հետ: Ֆորովսկու դիպրակմամբ՝ ընդհանրականությունը պահպանել են այն մարդիկ, ովքեր ունեին առաքյալների կողմից փոխանցված շնորհաբաշխ Ավանդությունը: Եկեղեցին ընդհանրական է, եթե հավատարիմ է մնացել իր պատմական անցյալին, որն սկսվում է Վերջին ընթրիքով և Նոգեգալուստով: Այսպիսով, Ֆորովսկին Ավանդությունն ընկալում է ոչ միայն քրիստոսական իմաստով՝ այս կամ այն քրիստոնեական համայնքի խորհրդաբանական կյանքում, այլ նաև ժամանակային առումով՝ մարտնչելով նրա պատմական ավանդա-կան անցյալը¹⁵: Այս իմաստով Ֆորովսկու հաջորդ քայլն Ավանդության պաշտամունքային փոխանցման գործընթացի վերհանումն էր: Այսպեղից էլ հենց նրա երկերում սկսեց բավա-կան հաճախակի ի հայտ գալ «օրենք աղօթելու» արտահայտությունը՝ իբրև Ավանդության հիմնական կրողներից մեկը: Այլ խոսքով՝ պաշտամունքը կամ ծեսը Ֆորովսկու բնորոշմամբ ընկալվում է իբրև առաքելական քարոզչության հիմնական գործառնություն, որպես արտա-հայտվում է Եկեղեցու կենդանի հավաքը, այնինչ դոգման թաքնված է Եկեղեցու խորհրդի գանձարանում, որը Ֆորովսկին անվանում է «լրումն ճշմարտության»¹⁶: Ֆորովսկու առաջ քաշած այս եկեղեցաբանական տեսությունն իր ամբողջության մեջ մեկ միասնական և սուրբ եկեղեցու պատմական ուղղակի ընկալումն է: Այն, բացի աստվածաբանական հաս-կացություն լինելուց, նաև պատմական ուղղագիծ շարունակությունն է դեպի Աստուծո ըմբռ-ման վախճանաբանական և ամբողջական տեսություն¹⁷:

4. Ավանդության շարունակականությունը.

Ավանդությունը հասակակից է Եկեղեցուն: Նա շարունակելու է իր հավիտենական ճամփորդությունը Եկեղեցու հետ և Եկեղեցում. «Ավանդությունը շնորհի վրա հիմնված սկզբունք է, ահա թե ինչու այն պահվում և պահպանվում է Եկեղեցու եպիսկոպոսական իշխանությամբ, նրանց կողմից, ովքեր առաքելական հաջորդականությամբ ստացել են ճշմարտության հարուկ շնորհ: Նենց այս պարճառով է Ավանդությունը միության միջոց և գործառնություն: Ինչ-որ իմաստով Ավանդությունն անշուշտ Եկեղեցու հիշողությունն է, որը պահպանում է պատմական ու մարդկային հիշողության սրբազան ավանդը»¹⁸: Ֆորովս-կին, մեջբերելով հայրաբանական տարբեր հայացքներն ու վկայությունները, կառուցում է Ավանդության փոխանցման մի յուրօրինակ տեսություն: Այս փոխանցման ամենաառաջին գործառնությունը դոգման է՝ թաքնված Եկեղեցու խորհրդավոր լուծության մեջ: Երկրորդ գործա-ռնությունը Եկեղեցու քարոզչությունն է՝ kerygma-ն: Չնայած դրանք տարբերվում են իրարից, այնուամենայնիվ, արտահայտում են միևնույն հավաքը տարբեր ձևերով: Ահա այս եր-

14 Տե՛ս R. Williams, «Eastern Orthodox Theology» in *The Modern Theologians: An Introduction to Christian Theology in the Twentieth Century* (ed. David F. Ford), Cambridge, Mass., 1997, էջ 510:

15 Տե՛ս P. Chamberas, «Some Aspects of the Ecclesiology of Fr. Georges Florovsky», in *Orientalia Christiana Analecta* 195, Rome 1973, էջ 425:

16 Տե՛ս G. Florovsky, *Le Corps du Christ vivant*, էջ 41:

17 Տե՛ս P. Chamberas, նշվ. աշխ., էջ 421:

18 Տե՛ս G. Florovsky, *Le Corps du Christ vivant*, էջ 41 :

կու էական գործառնություններն են Ավանդության փոխանցման գլխավոր երաշխիքները: Մյուս կողմից, Ավանդության շարունակականությունը երաշխավորվել է փիեզերական ժողովների և Եկեղեցու հայրերի շնորհիվ: Նենց փիեզերական ժողովների շնորհիվ է, որ Եկեղեցական ընդհանրական գլխակցությունը (φρονιμὸν ἐκκλησιαστικόν) հասել է մինչև մեր օրերը: Եկեղեցին ըմբռնում և մեկնում է Աստվածային Խոսքը հենց այս (եկեղեցական) հասկացության շնորհիվ:

Ֆյոթովսկու համար Վաղ եկեղեցում կիրարկվող Տիեզերական ժողովների աստվածաբանություն կամ րեսություն գոյություն չունի¹⁹: Ժողովները Վաղ եկեղեցու կյանքում առկա հիմնախնդիրների լուծման նպատակով էին գումարվում՝ իբրև բացառապես շնորհի վրա հիմնված գումարումներ. «Չափազանցություն չի լինի, թերևս, եթե նշենք, որ Ժողովները երբեք չեն ընկալվել իբրև կանոնական հասարակություններ, այլ ավելի շուրջ խորիզմաբիկ գումարումներ: Դրանց պարբերականության համար երբեք հստակ թվականներ ու ժամանակահատվածներ չեն նշվել»²⁰:

Շարունակականության հարաբերության երաշխիքը ճշմարտության չափանիշն է՝ Նիսուս Բրիսպոս ինքը: Ներկաբար, եկեղեցական ժողովը պետք է գումարվի ճշմարտության լույսի ներքո²¹: Այսպես նկատվել է նաև Ֆյոթովսկու առաջ քաշած Ավանդության վախճանաբանական ուղղվածությունը: Եթե Ավանդության փոխանցման և հարաբերության երաշխիքը Նիսուս Բրիսպոս ինքն է, ուրեմն Ավանդությունը հարաբերելու է մինչև Նիսուս Բրիսպոսի երկրորդ գալուստը: Այլ խոսքով՝ Ավանդությունն սկսել է Բրիսպոսով և վերջանալու է Բրիսպոսով:

Տ. ՇԱՆՏԵ ԱՔԵՂԱ ԱՆԱՆՅԱՆ

19 Տե՛ս BTC, էջ 12:

20 Անդ:

21 Անդ, էջ 14: